

scentes<sup>a</sup>. Sed et<sup>b</sup> illi praecepta patrum<sup>c</sup> quasi divinitus data<sup>d</sup> cum omni humilitate 796 ex. perficiant; servantes in timore Dei proprii castitatem corporis, ut Spiritus sanctus dignetur habitare<sup>e</sup> in eis, apostolo dicente<sup>f</sup>: 'Templum<sup>g</sup> Dei sanctum est, quod 1. Cor. 3, 17. estis vos'<sup>h</sup>.

5 Et in sanctarum scripturarum lectione studiosi estote, ut possitis alterutrum aedificare et consolari; quia, qui non vult in iuventute discere, in senectute scire non poterit<sup>1</sup>. Et sicut saeculi avarus cotidie sibi divitias augere<sup>i</sup> studet, sic servus Dei sapientiae<sup>k</sup> gazas in sui pectoris saccos cotidie congregare studeat, ut sit scriba in ecclesia Dei<sup>l</sup> doctus<sup>m</sup>, proferens de thesauro cordis sui<sup>n</sup> nova et<sup>o</sup> vetera conservis<sup>p</sup> Matth. 13, 52.  
10 suis caelestis scientiae dona; quatenus iuxta Danielis<sup>q</sup> prophetiam<sup>r</sup> erudiens multos, Dan. 12, 3. sicut firmamentum stellis ornatum in perpetua fulgeat beatitudine<sup>s</sup>.

Non me obsecro praesumptiosum aestimate<sup>2</sup>, fratres, pro<sup>t</sup> huius ammonitionis cartula<sup>u</sup>, sed quod caritatis lingua dictavi, vos humilitatis perlegite oculis<sup>3</sup>, meamque fragilitatem orationum auxilio vestrarum roborate, ut, Dei donante clementia, peccatorum meorum merear accipere veniam ac vobiscum desiderabilem audire vocem: 15 'Venite benedicti<sup>v</sup> patris mei, percipite regnum, quod vobis paratum est ab origine mundi'. Matth. 25, 34.

## 118.

*Alcvinus Carolo regi Francorum aegrotanti bene precatur. Monet, ut et captivos et adversarios quosdam indulgenter habeat.* 796 ex.

Cod. T\* fol. 94<sup>a</sup>.

20 Edd. Q 90, F 32, J 76. — Migne col. 196.

Domine mi dilectissime et dulcissime et omnium desiderantissime, mi David, tristis est Flaccus vester<sup>b</sup> propter infirmitatem vestram. Opto et toto corde Deum deprecor, ut cito convaleatis; ut gaudium nostrum sit plenum in vobis, et sanitas<sup>Ioh. 15, 11; 16, 24.</sup> vestra sit plena, anima et corpore.

25 Domine mi, memor sit pietas vestra captivorum, dum est Pippinus<sup>4</sup> tuus tecum, propter gratiarum actiones mirabilis beneficii, quod vobiscum de Hunis divina fecit clementia<sup>5</sup>, et propter prosperitatem imminentium rerum; ut clementissima illius potentia omnes adversarios sui sancti nominis vestris velociter subiciat pedibus. Sed et de peccantibus in vos — si fieri possit et vestrae videatur providentiae — aliqua de 30 aliquibus fiat indulgentia et remissio. Tamen propter incognitas illorum causas cautius de his loquor. Vos enim ipsi optime scitis quod utile est regno vobis a Deo dato et paci sanctae Dei ecclesiae. Proficuum facientes faciatis in omnibus voluntatem Dei, quatenus illius sanctissima gratia vos proficientes ubique protegat regat et custodiat, domine et dulcissime et desiderantissime.

35 <sup>a</sup>) adolescentes K 2, T\*. <sup>b</sup>) patr. praec. T\*, K 2. <sup>c</sup>) et om. K 1, A 1\*. <sup>d</sup>) dicta T\*. <sup>e</sup>) hab. dign. T\*, K 2. <sup>f</sup>) dic. ap. T\*, K 2. <sup>g</sup>) enim add. T\*. <sup>h</sup>) om. K 2. <sup>i</sup>) gaudere T\*. <sup>k</sup>) sabiencia K 2. <sup>l</sup>) om. A 1\*. <sup>m</sup>) dotus c superscr. T\*. <sup>n</sup>) om. K 2. <sup>o</sup>) et — Danielis om. K 2. <sup>p</sup>) conservis — Danielis om. K 1, A 1\*. <sup>q</sup>) et add. A 1\*. <sup>r</sup>) prophetia K 1, A 1\*; profecia K 2. <sup>s</sup>) beatitud. K 2. <sup>t</sup>) ad K; ob A 1\*. <sup>u</sup>) cartulam K 1; chartulam A 1\*. <sup>v</sup>) pened. K 2.

40 118. <sup>a</sup>) Lemma: Alcuinus ad domnum regem T\*. <sup>b</sup>) urt T\*.

1) Cf. supra p. 55 n. 3; 73. 132.

2) Cf. supra p. 95 l. 22; 111.

3) Cf. supra p. 73 l. 15.

4) rex Italiae, qui exeunte anno 796. e Pannonia ad patrem, Aquisgrani hiberna habentem, venit. V. Annales Einharti attributos, Alamann. 796 (SS. I, 48. 183); Angilberti versus ad Pippinum 1—2 (Poet. Carol. I, 358). Cf. quae ad hanc et sequentem epistolam adnotavit Mühlbacher (Mittheil. des Instit.

45 für Oesterr. Geschichtsf. I, 265). 5) Cf. supra p. 143: mirabiliter ... triumphatum est.